

同學普得升虛與天相保長存無憂

二願諸天結炁澄清高虛廣覆保真固靈氣

候調節四運和平國安民豐普天閉寧廣濟

一切惠達有生保天長存億劫不傾

三願土地覆載無窮安平不陷海淪不崩保

鎮家國兆民具從養生安死惠周十方禾稼

滋植管運日豐咸得覆載萬類皆從

四願日月二景高明無有亭蝕虧益安清光

照諸天洞消暗冥保固劫運世祚和平普加

潤澤惠灑眾生

五願星辰與日齊光轉燭照耀朗映十方各

安其位經緯直行保鎮家國無有災傷四海

寧一普天興昌

六願四時隨節推遷景氣和調無有災患疫

毒消滅普天安平五穀豐熟國富民歡

七願浮雲結炁聚烟飛空高澄陰覆玄玄隱

則無為散則彌天神仙同居結友來真惠流

一切興國愛民普濟羣生人同劫年

八願風雨流灑無窮普加施泄受其發揚萬

物滋生國儲民豐

九願五嶽各安其方魏魏包藏長為仙官安

鎮國祚保天無終護度一切莫不仰宗

十願江海蕩蕩無極含容恢廓無細不植淵

與系惠潤加蠕息天人獲慶年同劫石

十一願帝王國主日昌四鎮安睦兵革不揚

天人歌唱吉應來翔敷教濟濟威化揚揚兆

庶稱慶長樂未央

十二願蝗飛蠶動已生未生成蒙安全普得

生成皆見元氣受陽之形草木果林經冬不

零一切濟度靡不鮮榮

復爐

香官使者左右龍虎君侍香諸靈官當令臣

午朝陞壇行道之所自然生金液丹碧芝英

百靈眾具交會在此香火爐前令臣學道得

道求仙得仙齋主受福幽顯沾恩十方仙童

玉女侍衛蘭烟傳臣向來所啓之誠速達徑

御

太上无極大道至真玉皇上帝

出堂頌

靈寶領教濟度金書卷之一百六十二

靈寶領教濟度金書卷之一百六十三

洞微高士開光教苦真人窮金具校

靈寶通玄弘敷水南先生林靈真編

科儀立成品

第一日晚朝儀

步虛 燒香頌

各禮師存念如法

衛靈

神光朗耀 瑞照匝旋 箕斗澄輝 芒宇晏然

玉眸金真 寶壇純乾 變夜作晝 回子午前

太華流絲 丹鳳飛圓 息慮滅姦 高步祥烟

天真並集 齊到帝前 與道合真

鳴法鼓二十四通

發爐

无上三天玄元始三炁太上道君召出臣等

身中三五功曹左右官使者侍香金童傳言

散花玉女五帝直符直日香官各三十二人

出出者嚴裝開啓玄壇天帝神君當召此間

土地里域真官正神急上聞啓臣今奉為入

齋意以今落景陞壇行道願得

道七

十六

玉清道然靈寶妙光下降流入臣等身中即
使玄壇清淨內外成具天无氛穢地絕枝塵
琳琅振響十方肅清萬魔不干真誠上徹令
臣所啓之誠速達徑御
太上无極大道至真玉皇上帝御前

請稱法位

具位奉行預修黃籙太齋法事小兆臣某與
臨壇官衆等謹同誠上啓

虛无自然元始天尊无極大道太上道君太
上老君高上玉皇十方已得道大聖東至真
諸君大人三十二天帝君玉虛上帝玉帝大
帝東華南極西靈北真玄都玉京金闕七寶
瓊臺紫微上官靈寶至真明皇道君三十六
部尊經玄中大法師上相上宰上保上傳太
平下教二十四真人西城總真王君太乙真
人東嶽上卿司命茅君定錄保命二真人名
山洞府得道神仙三界官屬一切真靈巨聞
流精騰八景之輿瓊林鬱秀御炁策十華之
駕鸞樹空歌開恍惚於九霄煥光明於五劫
綠羅眇眇碧混裁裁朱鳳翼拱三寶虛無

之聖青牛騰乘瞻萬變混沌之尊帝將下教
之奇道啓上乘之秘七經八緯赤城啓運以
輝華九室三田金陵傳宗而晃朗玉局彰於
正一瑤京耀於神霄兼兼舒華燈燧續幽
顯拂仁風之旦方圓融惠日之春飯命渠渠

流恩切切今齋主某仰瞻霄漢遙瞻層霄
葵志以勝行滄茅心而肘步天形道貌荷生
前之雨露涵濡鬼責人非慮身後之雷霆赫
奕百年彈指九夜寒心惟金籙度命於二符
而玉章護生於九戒巍巍大範實操萬劫之

慈航翼翼小心期闢千生之慧運幸獨華宇
肆築楓壇蓋簡敷羅法演預修之寶範芝園
輝輝齋邊受度之金書重德丹赤之愚仰扣
紫清之聖承恩此日植福他生舒觀瀛毫露
寸天於萬一肅冠瑞簡借尺地以再三爰有
青詞謹當宣奏

宣詞

按如詞言忱誠激越巨等洽疏五炁潔靈百
神雲從鸞鸞之班日近龍鸞之御金鳥欽彰
璇璣騰宇宙之華玉免流輝沉瀝浴金聖之

影天顏粹穆夜蒸澄清鳳唱鸞鳴和鈞天之
萬舞龍吟虎嘯翔寶地之瓊音連缸萬點之
熒煌蘭炬千枝而煥耀羅香花於四界垂旌
葆於十門宇宙皆春乾坤不夜諒鑿由中之
懇俯敷無外之仁家國均休天人同慶

以今落景行道請法衆等運茲初捨上香
願此香烟騰空徑上供養
无上至真道寶巨等皈身皈神皈命首體投
地仰依
太上三尊願以是功德上祝

皇帝陛下伏願壽齊萬壽福等洽演六龍御
天瑞宸旅而臨商運八駿行地鳴璣玞以履
堯種四夷義慕於衣冠萬國禮修於玉帛德
華內掖孝為中原書元績於雲臺官商帝業
暢宏威於烟塞翻敷皇基今故燒香自皈依
師尊大聖東至真之德得道之後保天長存
和與道合真

以今落景行道請法衆等運茲二捨上香
願此香烟騰空徑上供養
无上至真經寶巨等皈身皈神皈命首體投

地仰依

太上三尊願以是功德皈流齋主共伏願光風步武霽月精神柱八輪以開祥琴書畫永著百莖而挺瑞筦春融謝庭秀發於芝蘭周潤香生於蕙藻席珍積玉垂奕葉之英聲濟美籙金暢連枝之茂烈今故燒香自皈依師尊大聖眾至真之德得道之後外入無形和與道合真

以今落景行道諸法眾等連茲三捨上香願此香烟騰空徑上供養

无上至真師寶臣等皈身皈神皈命首體投地仰依

太上三尊願以是功德皈流蓋輿之表流嶠之中鱗介羽毛蜩螗蠢動並願就雲自樂望日相歡春滿烟林无四維從禽之誓仁充雲藪絕三驅即鹿之虞蒼蒼而操斧聲沉青青而燎原影斷澤无藏地野絕遺蝗戾天躍淵鼓舞遂生生之性吸風飲露飛遊逃化化之機今故燒香自皈依師尊大聖眾至真之德得道之後外入無形

和與道合真

禮方 儀方

步虛 三啓頌

三禮

重稱法位

具位臣某謹重誠上啓

太上无極大道元始天尊太上道君太上老君高上玉皇十方已得道大聖眾至真諸君丈人三十六部尊經玄中大法師天師君上相上宰四司五帝三界官屬一切真靈臣等。 朔翼何庸鮪鱗無取覽德輝於聖世陶濔澤於昌時聖日輝輝佩蒼虬於玉策玄雲藹藹膺赤鳳於金圖莫思遁迹於岩雲徒羨栖身於塵霧惜分寸之陰景勵志鵬搏瞻咫尺之威顏驚心蚊負誓暢皇靈之宣德姑熙帝載以承符庶積微勳庸涓巨過今齋主某願天激切扣地凌兢朝鳳闕以殫誠觀衍期願之祉望虎關而稽首更開輪轉之祥尚慮踐履違玄躬行背道唾星指月不思天象之當恭焉再呵風罔識神威之蓋敬際雷霆而輕議

瞻慧亭以妄談出入起居心豈思於拱北行住坐卧志有叛於趨東犯百八十之威儀冒千二百之戒行科崇元臘之旦罔念朝修教尊節會之時莫知懺謝致玄曹之鼓筆貽黑簿之深文未滌前愆曷臻後慶鴻恩日闡願開閭闔之門鶴赦天來冀降浮黎之士初九府四司之仙聖勅九幽六洞之神靈泉朱墨以焚如名蠲黑鬱稟玄清而凜若字列丹陵神光蔽其步趨靈液滋其聲款華池湛湛玄霜融偃月之爐天谷輝輝紫霧澄凝霞之景固金花而不老培玉樹以長新身後身前永不淪於陰暗劫終劫始惟常觀於光明超九六字飲之期享三五太平之運蒙如丹椅允荷玄恩上願天元高澄地紀靜謐日月輝潤星宿光華同車軌於寰瀛大无夜吠呈圖書於河洛鳳有朝鳴山林潛魑魅之形藪澤息瀉疵之炁家給人足時和歲豐則上明天尊大慈之化下副臣等皈命之誠謹啓以聞

十願

道之

二十一

- 一願大道流行普天懷德
- 二願一切有生咸皆悟道
- 三願九夜幽魂一時解脫
- 四願孤寡無依咸得受生
- 五願天下太平五穀豐熟
- 六願臣忠子孝君仁父慈
- 七願四海會同寬親和釋
- 八願潛胞處卵咸得生成
- 九願積疾新病旋即痊愈
- 十願孤露衆生豐衣足食

存神燒香

香官使者左右龍虎君侍香諸靈官當令臣落景陞壇行道之所自然生金液丹碧芝英百靈衆真交會在此香火爐前今臣學道得道求仙得仙齋主受福幽顯沾恩十方仙童玉女侍衛蘭烟傳臣向來所啓之誠速達徑御
太上无極大道至真玉皇上帝 御前
靈寶領教濟度金書卷之一百六十三

出堂頌

靈寶領教濟度金書卷之一百六十四
一百六十五
一百六十六
道八

洞微高士開光救苦真人審金真授
靈寶通玄弘教水南先生林靈真編
料儀立成品 預修黃 錄用

第二日早朝儀

步虛 燒香頌
各禮師存念如法
衛靈

五星虛映 煥景神庭 包羅無外 合炁覆靈
潜形香默 周遊五經 揚威耀日 役使甲丁
却災除禍 滌穢消氛 萬魔恐怖 龍虎飛奔
紫雲交覆 萬炁齊昇 與道合真
鳴法鼓二十四通
發爐

无上三天玄元始三炁太上道君召出臣等
身中三五功曹左右官使者侍香金童傳言
散花玉女五帝直符直日香官各三十二人
出出者嚴裝闡啓玄壇天帝神君當召此間
土地里域真官正神急上闡啓臣今奉為入

齋意以今清旦陞壇行道願得
玉清道炁靈寶妙炁下降流入臣等身中即
使玄壇清淨內外成真天無氛穢地絕妖塵
琳琅振響十方肅清萬魔不干真誠上徹令
臣所啓之誠速達徑御

請稱法位

大上无極大道至真玉皇上帝 御前
具位奉行預修黃籙大齋法事小兆臣某與
臨壇官衆等謹同誠上啓
太上无極大道虛无自然元始天尊太上道
君太上老君高上玉皇十方已得道大聖衆
至真諸君丈人三十二天帝君王虛上帝玉
帝大帝東華南極西靈北真玄都玉京金闕
七寶瓊臺紫微上官靈寶至真明皇道君三
十六部尊經玄中大法師上相上宰上保上
傅太平下教二十四真人西城總真玉君太
乙真人東嶽上卿司命茅君定錄保命二真
人名山洞府得道神仙三界官屬一切真靈
巨闡紫戶青房翼魏魏之帝闕黃庭絳室聯
奕奕之神廬迴風氣混於雌雄旋斗精凝於